



Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

De eximia Heraclae tum doctrina, tum eloquentia, & de Origenis in sacris
literis studio, & Symnacho diuinarum scripturarum interprete. Cap. XII.

urn:nbn:de:hbz:466:1-29861

aderant, Marcum, utpote qui eum diutius comitatus fuisset, & eius verba memoria teneret, magnopere obsecrasse ferunt, ut ea, quæ fuissent ab illo prædicata, scriptis mandaret. Quod quidem euangelium simul ac ediderat, illis, qui illud ab eo rogauiſſent, impertiit. Petrum autem, vbi de eo certior factus erat, euangelium cum ratum fecisse, tum homines ad idem legendum adhortatū. Ioannem vero, utpote sacro sancti spiritus impulsu comotum, postquam intellexit ea, quæ ad corpus & humanitatem Christi spectabant, in illis euangeliis explicata, quorundam familiarium ac necessariorum rogatu, euangelium spirituale post reliquos euangelistas cōſcripſiſſe. Tot extant Clementis opera. Alexander item, de quo supra mentio facta est, Clementis simul & Panteni, velut quibuscum notitia sibi intercessiſſet, in epistola quadam ad Origenem meminit. Sic enim scribit. Hæc, ut scis, voluntas Dei fuit, ut amicitia à maioribus nostris inita, nobis firma & integra permaneret, imò indies fernētior effet, & stabilior. Nam illos beatos patres, qui ante nos viam virtutis sedulò institerunt (ad quos nō multò post nos profecturi sumus) cognouimus: Pantenum dico verè beatum, ac dominum meum, & sanctum Clemētem etiam Dominum meum, qui multum mihi ſæpe commodauit: & si quisquam sit alijs eius generis. Per quos quidem in tuam veni familiaritatē, qui longe optimus & Dominus, & frater mihi es. Atque hæc ita ſe habent.

De eximia Heraclē tum doctrina, tum eloquentia, & de Origenis in sacris literis ſtudio, & Symnacho diuinarum ſcripturarum interprete.

CAP. XII.

ADAMANTIAS (hoc enim erat etiam Origeni nomen) Zephyrino eisdem temporibus Romanam ecclesiā gubernante, scribit ſe Romam propterea iter fuſcepſiſſe, quod ſibi admodum erat in optatis, ecclesiam Rom. plane antiquissimam viſere. Vbi non diu commoratus, Alexandriam reuertitur. Arque ibi conſue-

Q 3 tum do-

EVSEBII HISTORIAE

P. 28

tum docendi munus , omni studio & industria exequitur; idque Demetrio illius ecclesiæ episcopo etiam tum eum admodū adhortante, & præcibus prope efflagitante, ut fratribus non grauaretur esse adiumento. Verum Origenes, postquam vidit seipsum non satis habere virium, cum ad reconditus rerum diuinarum studiū, & sanctarum scripturarum indagationē explicationemq;; tum ad eos in fidei principiis instituendos, qui ad ipsum accedebant, (à quibus dum alii post alios passim à primo usq; mane ad vesperam, ad eius ludum literarum quotidie commeabant ei ne respirandi quidem locus cōcedebatur) multitudinem discipulorum in duas partes distribuit: & Heraclam cæteris suis discipulis præferens, virū cum sacrarum literarum studiosum , tum reuera in aliis disciplinis disertissimum, tum philosophiæ deniq; non ignarum, socium in instituendi munere sibi asciuit : & huic eos erudiendos commisit, qui ipsis fidei elementis modo essent imbuendi: eorum autem disciplinam, qui in cursu erant positi, & ipso doctrinæ sacræ habitu aliquanto maturiores, sibi ipsi docendos reseruauit. Tanto porro studio tantaq; cupiditate sacrarum literarū accurate peruestigandarum ducebatur Origenes, ut linguam etiam Hebraicam studiose perdisceret: & non modo vetera scripturarum exemplaria apud Iudæos Hebraico sermone scripta custoditaque sibi acquireret , verum etiam aliorum interpretationes, qui præter septuaginta, sacras literas conuertissent , exquise indagaret: adeo ut præter tritas illas & vulgares Aquilæ, & Symmachî, & Theodotionis interpretationes aliquantum inter se discrepantes, alias quasdam præterea inueniret: quas iam longo tempore abstrusas, ex quibusdam recessibus (unde haud equidem scio) diligenter inuestigando eruit, tandemque in lucē eduxit. De quibus propter obscurā & obliteratā inscriptionē , cuius demum auctoris essent, penitus ignorans, istud solum indicat, quo pacto vnam quidem offendisset Nicopoli apud Actium litus, alteram in altero loco non dissimili. In Psalmorū libro, qui ῥητῶλας dicitur, id est qui septuplicem , ut ita dicam,

complectit.

complectitur translationem, post quatuor communes & vulgares interpretationes non solum quintam, sed etiam sextam, & septimam adiungens, in una illarum ostendit, quopacto ea in vrbe Hiericho, temporibus Antonini Seueri, esset in dolio reperta. Atque ipsas in vnum volumen omnes redigens, Columellis inter se distinxit, & alterum alteri ex aduerso vnâ cum exemplari Hebræorum, apposuit. Sic exemplaria illa, que ἔξαπλα dicuntur, nobis reliquit. Aquilæ porrò & Symmachi, & Theodotionis editionem, vna cum sepruaginta interpretum explicatione in opus quadrupliciter contextum separatum digessit. Intelligendum est Symmachum vnum ex his interpretibus hæresim Ebionitarum propugnasse. Ista autem hæresis ique Ebionæorum nomine appellatur, est eorum (sicuti ex superiori historiæ nostræ sermone dicimus) qui affirmant Christum ex Ioseph & Maria prognatum, eumque solum hominem existimant, & legem more Iudeorum obseruandam constanter asseuerant. Commentarij item Symmachi ad hoc usque tempus custodiuntur: in quibus ex testimonio euangelij secundum Mattheum errorem, de quo locuti sumus, roborare contendit. Istos commentarios Origenes cum aliis Symmachi in scripturas explicationibus, ostendit se à Iuliana quadam accepisse, atque illam ab ipso Symmacho eos libros sumptissime.

*De reprehenso ab Origene Ambroſio, &
doctrina Origenis.
CAP. XIII.*

Per idem tempus Ambrosius, qui Valentiniiani erroris prauitate erat infectus, ipsa veritate, cuius partes Origenes in disputando susceperebat, conuictus, confutatusq; ac veluti lucis splendore intériere mēte illustratus, rectæ & ecclesiasticæ fidei se totū addixit. Alii etiā cōplures exquisita doctrina imbuti, ppter celebrē famā, quæ de Origene ubiq; emanauerat, ad eum se conferebant, periculū de accurata cumulataq; viri in sacris literis facultate & notitia facturi. Infiniti porro Hæretici &

Q. 4 Philo-